

consentiant, an omnes, quæ nunc in universo reperiuntur, creaturæ, an verò quædam tantum, & quænam ex illis, ab æterno produci atque dari potuerint? quam sententiarum diversitatem, nominatis singularum assertoribus, exponit QUENSTEDIUS *Part. I, Syst. Theol. Cap. X. Sect. II. Qu. II. Antith. n. 6.* Ad stipulati illis, quoad thesin ipsam, sunt recentiores quidam, CASP. BARTHOLINUS *Quest. & Controv. Illustr. de Mundo Qu. 10.* SCHEIBLERUS *Lib. II, Metaph. Cap III. Art. II. Punct. 6.* HENR. WIDEBURGIUS *Syst. Theol. Posit. Cap. VII. Th. i. &*, alios ut prætereamus, recentissimè Philolophia Wolfiana huic quæstioni iterum occasionem dedit, quando nimirum in den Gedanken von Gott, der Welt und der Seele des Menschen s. *Metaph. S. 1075.* Celeb. Dn. Auctor scripserat: Wenn gleich Gott die Welt von Ewigkeit hervor gebracht hätte &c. Ubi tantum equidem abest ut, sententiam illam Atheismo januam aperire, asserere audeamus, ut potius CALOVII *Tom. III. Syst. Theol. Art V. Cap. I. Qu. 2. &* cum eo QUENSTEDII *l. c. ênd. Observ. 2.* de toto hoc negotio iudicium approbemus: *Disputatio illa (An mundus ab æterno creari potuerit?) non concernit fidei articulum; ideoque neutra sententia hæreseos, nedum atheismi alicujus accusanda. Nam nec illi, qui negant creari potuisse ab æterno, infinita potentia derogant, quum non ob defectum virtutis in DEO id negent, sed ob objectum impossibile, quod id contradictionem involvere judicent, nec qui affirmant, creationem æternam actualem admittunt, sed solum possibilem illam faciunt, nec contradictionem involvere arbitrantur.* Quibus porrò QUENSTEDIUS *p. 423. a. n. 3.* addit: *Mundum in tempore conditum esse novimus, quæstionem itaque illam, an ab æterno esse potuerit, cum non sit revelata, ut curiosam & inutilem rejicimus, & Christianorum responsione indignam judicamus.* In quibus & nos acquiescere possemus, attamen ut sententiam nostram aperiamus, fatemur, negativam non leves ob rationes, etiamsi solo ex Naturæ Lumine disputetur, præferendam esse. Nisi enim quis studiosè vocum significationes torquere, & alium, ac usus fert, sensum iis affingere velit, æternum, in propriâ suâ significatione, dicitur, quod initium

tium